



REPUBLIKA E KOSOVËS/REPUBLIKA KOSOVA/REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. Dep. <u>2-D/DPK</u>	Nr. Prot. Br. Prot. <u>01-2500/14</u>
Nr. i faq. Broj stranica <u>03</u>	Data Datum <u>04-07-2014</u>
Nr. pages	Date
PRISHTINË	



**Republika e Kosovës**  
**Republika Kosova - Republic of Kosova**

**AGJENCIA KUNDËR KORRUPSIONIT**  
**AGENCIJA PROTIV KORUPCIJE**  
**ANTI - CORRUPTION AGENCY**

<b>DATË/A:</b>	04 .07.2014
<b>REFERENC-Ë:</b>	AKK-DPK-08/14
<b>PËR/ZA/TO:</b>	z. Afrim Bajraktari, Drejtor i Prokurimit në Universitetin e Prishtinës "Hasan Prishtina"
<b>CC:</b>	
<b>PËRMES/PREKO/THROUGH:</b>	
<b>NGA/OD/FROM:</b>	Hasan Preteni, Drejtor i Agjencisë kundër Korrupsionit
<b>TEMA/SUBJEKAT/SUBJECT:</b>	Opinion lidhur me ofrimin e këshillimit profesional për parandalimin e konfliktit të interesit në ushtrimin e funksionit publik



I nderuari z. Bajraktari,

Lidhur me kërkesën tuaj të drejtuar Agjencisë kundër Korrupsionit, ju njoftojmë se; në kuadër të kompetencave të Agjencisë kundër Korrupsionit lidhur me konfliktin e interesit, sipas Ligjit për Parandalimin e Konfliktit të Interesit në ushtrimin e funksionit publik (L.P.K.I), Agjencia; "*bënë këshillimin e zyrtarëve të lartë të veçantë, të eprorëve, të institucioneve eprorë, me kërkesën e tyre, për raste të caktuara të shfaqjes së konfliktit të interesave, dhe për çështje të etikës të lidhura me to, si dhe për regjistrimin rast për rast të interesave*", (Neni 19 (paragrafi 1.5) i Ligjit nr.04/L-051). Në pajtim me mandatin që kemi dhe duke u bazuar në Ligjet bazë të Agjencisë, për rastin e caktuar, kemi nxjerrë këtë:

**OPINION**

Angazhimi i Sekretarëve të fakulteteve në Komisionin për matjen e hapësirave të jashtme dhe të brendshme për pastrim të Universitetit të Prishtinës "Hasan Prishtina", nuk është i ndaluar shprehimisht me Ligjin për Parandalimin e Konfliktit të Interesit.

## ARSYETIM

Agjencia Kundër Korrupsionit ka pranuar kërkesë nga z. Afrim Bajraktari – Drejtor i Prokurimit në Universitetin e Prishtinës “Hasan Prishtina”, me nr. të protokollit AKK-03/2187/14, me të cilën është kërkuar nga ne si autoritet kompetent për trajtimin e rasteve të konfliktit të interesit, që të shqyrtohet situata e mundshme e konfliktit të interesit, nëse Angazhimi i Sekretarëve të Fakulteteve në Komisionin për matjen e hapësirave të jashtme dhe të brendshme për pastrim, ndërsa Sekretari harton raportin mujor për pastrim dhe e dorëzon te Drejtori i Prokurimit.

Në bazë të Ligjit për Parandalimin e Konfliktit të Interesit Nr. 04/L-051, sipas nenit 6 të këtij Ligji, konflikti i interesit është gjendja e mospajtimit ndërmjet detyrës publike dhe interesave private të zyrtarit të lartë, kur ai ka interesa private të drejtpërdrejta ose të tërthorta, personale ose pasurore, të cilat ndikojnë, mund të ndikojnë ose duket sikur ndikojnë në ligjshmërinë, transparencën, objektivitetin dhe paanësinë e tij gjatë ushtrimit të funksionit publik.

Rrjedhimisht, neni 8 (paragrafi 1,2,3,4,5,6) përcakton detyrimet e zyrtarit të lartë për parandalimin e konfliktit të interesit gjatë ushtrimit të funksionit publik.

Ndërsa, neni 13 i këtij ligji, përcakton deklarimin rast për rast të interesave private të zyrtarit të lartë në të cilin shprehimisht thuhet:

1. Çdo zyrtar i lartë gjatë ushtrimit të funksionit të tij publike, në bazë të njohurive të tij dhe në mirëbesim, detyrohet që të bëjë vet deklarimin paraprak, rast për rast, të ekzistencës së interesit të tij private lidhur me vendimmarrjen në një çështje të caktuar, që mund të bëhen shkak për lindjen e një konfliktit të interesit.

2. Deklarimi rast për rast i interesave private bëhet çdo herë nga zyrtari i lartë, kur kjo kërkohet nga eprori ose nga institucioni mbikëqyrës. Deklarimi si rregull duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohet të bëhet sa me shpejt që të jetë e mundur.

3. Vetë deklarimi si rregull bëhet me shkrim, kur zyrtari i lartë përfshihet në një vendimmarrje për ndonjë çështje të caktuar.

Përveç këtyre dispozitave të përmendura, po ashtu edhe Kodi Penal i Republikës së Kosovës ka paraparë si Vepër Penale situatat e konfliktit të interesit si dhe masat që mund të merren në rast se shkelen këto dispozita. Në nenin 424 (paragrafi 1 dhe 3) shprehimisht thuhet se:

1. Personi zyrtar i cili merr pjesë personalisht në ndonjë çështje zyrtare në të cilën ai apo ndonjë anëtar i familjes ose ndonjë person juridik që ka të bëjë me të ka interes financiar, dënohet me gjobë ose me burgim deri në tre (3) vjet.

2. Nëse çështja zyrtare është veprim i prokurimit apo ankand publik, kryesi dënohet me burgim prej një (1) deri në pesë (5) vjet.

Prandaj, angazhimi i Sekretarëve të Fakulteteve në Komisionin për matjen e hapësirave të jashtme dhe të brendshme për pastrim të Universitetit të Prishtinës “Hasan Prishtina” përbëhet prej 3 anëtarëve, dy anëtar të zgjedhur nga Rektorati dhe një anëtar sekretarët e fakulteteve, i

themeluar vetëm për matjen e hapësirave të brendshme dhe të jashtme për pastrim të fakultetit, Sekretari harton raportin për pastrim dhe e dorëzon çdo muaj te Drejtori i Prokurimit. Pjesëmarrja e Sekretarëve në këtë Komision nuk është e ndaluar shprehimisht me Ligjin për Parandalimin e Konfliktit të interes dhe nuk kemi situatë të shkeljes së dispozitave të këtij Ligji.

Ju rekomandojnë që të veproni konform këtij Opinioni të bazuar në Ligj, për të parandaluar dhe shmangur çdo situatë që mund të sjellë zyrtarin e lartë në gjendje të konfliktit të interesit sipas dispozitave ligjore ne fuqi.

Me respekt!

Ushëruar